



Ghr Bild.

Denk' mir in alde Daache
Sich Johr um Johr serick,
Do is' em wie e Meerche,
& Draam vun Luschd un Glick;
Meer wenigschdens werrds dobei
Zu Muud ganz sunnerbar.
Ich derf gar nedd draⁿ denke,
Wie schäⁿ es frieher war.

Ich wääß deß un drum nemm' ich
Mich selwerd aah in Achd
Un hied mich, daß ich ebbes
Aus alder Zeid bedrachd.
Un doch falld mer heid Morje
& Bildche in die Hann,
Un glei druff hann meiⁿ Nahe
Voll Wasser aah geschdann. — — —

Es war e junges Määre
Un ich e junger Bu
So nuckds mer jeren Morje
Aus ehrem Fenschder zu;
Mer waren Nocherstinner,
Sinn zämme uffgewachs,
Räh Wunner, daß uff ähmol
Meiⁿ Herzje hadd e Anax.

Jezd hadd ich die Bescheerung
Un wie deß flobbd un juckd,
Seit in die blooe Nahe
So dief ich neiⁿgeguckd.
Räh Schdunn so schbeed am Dwend,
Räh Schdunn so frieh am Daah,
Daß mich nedd packd e Hämweh
Noch denne blooe Nah'.

Un es? Naⁿ, wie hald Määd sinn,
Hadd midd mer schäⁿ gedhaⁿ,
Un wollds waß, guckds midd seine
Bloo-Nahe mich noor aⁿ;
Un hedds meiⁿ eije Gewe
Verlangd, ich hedd's 'm gebb,

Wann Dwends mer so siße
Uff ehrer Ginnerdrebb.

Dann, am e schäⁿne Dwend
War's aus midd unsrer Lieb,
Ich schleich vum Ginnerdrebbche
Mich hääme wie e Dieb;
Ich hann nedd keine kenne,
Un hann käh Word geredd,
Dehääme awer werf ich
Mich aⁿgezoh uff's Bedd.

Wasß war's? Wasß merd's gewesßd seiⁿ?
's eewig alde Lied!

Dasß, wasß so rechd mr lieb hadd
Mr mähuschdendähls nedd krieht;
Ich bin am annre Morje
Naus uff die Walz gezoh,
Un sie dhud Hochzig halle,
Raam verzeh Daah denoh.

Ich hann seiddem noor ähmol
Se widderum gesiehⁿ,
Es war im Schdadtpark drauße
Im erschde Friehtjohrsgrie;

Sie hadd e Mann im Aarem,
E zidderiger Greis,
Un ach — daß Godd erbaarem —
Sie selbschd is schloosbeweiß.

Do siehl ich an dem Frääche
Wie ald ich selbschd — un doch
Die Nahe dord, die blooe,
Deß sinn die alde noch;
Ich guck, un wie gewöhnlich
Guckd sie aah noch serick
Un trotz dem seichde Schleier:
's war noch de alde Blick.

Mich hadd deß Wirrersiehe
E paar Schdunn Ruh gekoschd.
's is doch was an dem Schbrichword,
Daß aldi Lieb' nedd roschd.
Wann ich's aah selbschd nedd zugebb,
Geschdeh' mer's aah nedd inn:
Die blooe Nah' sinn schuld nor,
Daß ich noch lerrig bin.

